



UNIVERSITÄTS-
BIBLIOTHEK
PADERBORN

Universitätsbibliothek Paderborn

Archi-||dioeceseos || Colonien-||sis Descriptio || Historica


Henriquez a Strevesdorff, Martinus

Coloniæ Agrippinæ, 1652

Archi-Episcopalis Eminentia, Et Insigne.

urn:nbn:de:hbz:466:1-12065

32. Tum Theodoricus Comes Alter Moersius, acer,
 33. Gente Palatinus Rupertus ad arma paratus,
 34. Hermannus Quartus pacis de nomine dictus,
 35. De Duna capit hinc Alter pia sceptræ Philippus,
 36. Quintus it Hermannus de Relligione Vvedanus,
 37. Tertius à Schavvenburgo fit Rector Adolphus,
 38. Antonius regimen transcendit Frater Adolphi,
 39. Ioannes jam Gebhardus de sanguine Mansfeldt,
 40. Quartus & eligitur Fredericus stirpe Vvedanus,
 41. Inde Salentinus Comes Isenburgus, inde
 42. Gebhardus Sacri Imperij Truchsesus, ab illo
 43. De Bavaro Princeps Ernestus stemmate regnat,
 44. Succedit Patruj Princeps Fernandus honori;
 45. Per Patruis Pietate, simul Virtute Modernus



MAXIMILIANVS HENRICVS,

Vbius Archipater, Princeps Elector: & Archi-
 Per tractum Italia quoque Cancellarius; idem
 Hildesheimensis Prasulq; Leodius; amplius
 Berchtogad: Stabulo Rector: Palatinus & Heros
 Ad Rhenum: Bavarum Dux: Westphalia, Angariaque
 Bullonniq; Comes, Leuchtenbergensis avito
 Stemmate Landgravius, Francomontensis eodem
 Marchio jure, cui nunc est suprema potestas.



ARCHI-EPISCOPALIS EMINENTIA, ET INSIGNE.

Inter potentis Imperi Heroas, graves
 Inter Monarchas, inter & magnos Duces
 Alijs potestas gemina contingit simul.

E:

Et Spiritalis Politicæq; : jure optimo
 Hos Magnus ille Carolus, & magno Patre
 Per Ludovicus Filius cælo nimis
 Gradu locavit Imperatores deis
 Supremitate territoriali eos
 Insignière, tale paulatim decus
 Tulere, tantus cepit hic scribier honos
 Veneratioq;, ut Otto Tertius sua
 Autoritate Principes quosdam inclytos
 Septem Viratu, dignitas illa eminens!
 Sustulerit altum, jusserit sceptrum dari,
 Et si vel unam bina personam liget
 Valide potestas, munus utrumvis tamen
 Est separatum. Sacra dos, inquam, DEI,
 Et Imperandi Baculus, hoc fundus suo
 Dat jure, at illud dat Ministerium; duo
 Hac juncta, in uno carnis ornatum viro.
 Elector exin duplici diversum capit
 Habitum potestâ, regimen utrovis datur
 Munere modoq; : Sacra conferri solet
 Per Annulum perq; baculum in manus datum,
 Profana verò illustre per sceptrum venit :
 Subordinatur bina suprema Patri
 Regiq; summo, Pontifex confert eam,
 Hanc Imperator, publica rei bono
 Magnaq; plebis commodo, bina simul
 Ha dignitates vinculo fortissatis
 Ligantur. Archi-Præsul utramvis tenet.
 Illustri Titulo meret Archiepiscopus, inter
 Primates primus venerari, scilicet illis
 Ille præest, Canonum qui Suffraganei habentur
 In jure ut Minden, Utrecht, Leodijs, atque
 Osnabrügensis simul, atque Monasteriensis.
 Archipatrum Titulus, Præstantia, Fama, Potestas
 Prodit ab INSIGNI, quod sacri denotat usus
 PALLII. & à summo solet hoc transmittier illis

Pontifice


Pontifice, & vestis, chlamys hac, est perbrevis, albâ
 Elanâ contexta, super quam cetera Præsul
 Ornamenta gerit, veste exhibiturus in illa
 Pontificale decus, Romaque sacratur ad Aram,
 Pontifice à summo, Petri quâ corpus in arca,
 Mittitur, hinc Petri de corpore dicitur esse
 Transmissum, accepta sacratus Epomide Præsul
 Confirmatur, & hinc supremo jure potitur.

Electo Princeps alias suprema gubernat
 Munia per quas vis Vbiorum Legifer oras,
 Ac fundata suis stat Iurisdictio terris
 In cunctos homines, isthic quos circulus ambit,
 Ius habet ille idem res in quascunq, vel omnes
 Causarum species hac qui se juris ab aula
 Dixerit exemptum, conjuncta probatio tali
 Incumbit, Quæro nunc Iurisdictio quid sit?
 Si nomen generale feres, est publica cunctis
 De causis cognoscendi edendiq, Potestas.
 Post illam Primam quâ sese maximus Heros
 Legibus obstringit Princeps Terræve Dynastes,
 Plena potestatis vis & suprema facultas
 Exoritur, quâ cuncta licent primatibus, usque
 Ad sua vota, lubens animus sin jusserit illa.
 Plurima nunc tacito par est transire cothurno,
 Quæ Politia sibi cognato jure reposcit,
 Attingo solum divina verba tabella
 Omnia scriptura, quæ sic effatur: ab ipso
 Omnis & ipsa DEO venit * exurgitque potestas,
 Quæ reges regnant, subiecti quæque reguntur,
 Legumlatores discernunt justa, bonumque
 Rebus in humanis querunt in quemlibet usum,
 Ut ratio dicat, Legumque ut regula suadet
 Desuper ergò omnis cum sit concessa potestas
 Numinis è dextra, Princeps, fundique Toparcha,
 Rector, & Antistes divini Exempla statuti

[* Prov. 8, 6.]

Iure

Iure sequuntur, ut in supremo munere, terræ
 Quo funguntur, abhinc omni feliciter æva
 Corregnent superis, ipsas qui cætera supra
 Culmina vexerunt, ut subjectata suemet
 Corda potestati, ad nutum sibi facta paratum
 Obsequium referant. Quare si Præses es, ipsi
 Præsides populo, Rector rege, Duxque reducat
 Si fors an pravos, studeat calcare recessus,
 Ut veri rectique viam sectetur, & almas
 Ad leges, mandata DEI non segniter aurem
 Applicet, ut fiat Rex & Grex victima Divis.]



ARCHIDIOECESIOS.

OFFICIA HÆREDITARIA,

Quattuor existunt Archi-de Iure Toparcha,
 Quilibet officio, Proavum de sanguine gaudet,
 Fungitur hoc qui vis bene munere, Iusque tuetur,
 Vbiacus quoties celebrat solennia Præsul.

1. Archi-Vincerna est Comes Illustrissimus Ahrburg,
 Dux Arschottanus, Croiusque Rebeccius, Engien.
2. Archi-Præfectus Comes est ex asse secundus,
 Illustris Manderscheidt, Blanckenheimque Saynq.
3. Et Comes à Salmo, Reiferscheidt unde propago
 Archi-Mareschalli exercet de sanguine munus:
4. Baro de Stolberg à Frens de Stemmate avito,
 His generosus adest Archi-Camerarius: Ecce,
 Heroes tales Vbia in Regione coluntur,
 Heredesque dein, quæ munera Iuris aviti;
 Præsul honoratur, Cathedram dū scandit in altam,
 Dum regale subit munus, comitantur Eundem;
 Ad primum transire Statum nunc suggerit Ordo.

STATVS